
ОЛИЙ СУД РАИСИ ВИЛОЯТИМИЗ ТУМАНЛАРИДА ИЖАРАГА ҚИШЛОҚ ХЎЖАЛИГИ ЕРЛАРИДАН ФОЙДАЛАНИШ ҲУҚУҚИНИ ҚЎЛГА КИРИТГАН ФУҚАРОЛАР БИЛАН УЧРАШДИ

Ўзбекистон Республикаси Олий суди раиси Козимжон Комилов бугун вилоятимизнинг Олтиариқ, Қува, Қўштепа ва Ёзёвон туманларида бўлиб, қишлоқ хўжалиги ер майдонларини ижарага олиш ҳуқуқини қўлга киритган фуқаролар билан мулоқот ўтказди.

Ўзбекистон Республикаси Президентининг 2021 йил 23 ноябрдаги “Мева-сабзавотчилик ва узумчиликда оилавий тадбиркорликни ривожлантириш, қишлоқ хўжалиги ишлаб чиқаришида деҳқон хўжаликларининг улушини ошириш чора-тадбирлари тўғрисида”ги Қарори ва Ўзбекистон Республикаси Вазирлар Маҳкамасининг 2021 йил 24 ноябрдаги “Қишлоқ хўжалигига мўлжалланган ер участкаларини ижарага бериш тартибига доир норматив-ҳуқуқий ҳужжатларни тасдиқлаш тўғрисида”ги Қарорига мувофиқ қишлоқ хўжалигига мўлжалланган ерлар барча турдаги қишлоқ хўжалиги товар ишлаб чиқарувчилари иштирок эта оладиган очик электрон танлов якунларига кўра фақат ижара ҳуқуқи асосида ажратилади.

Қишлоқ хўжалиги ерларини электрон савдо майдончаси орқали ижарага бериш жорий йилнинг январь ойидан бошлаб йўлга қўйилди. Бугунги кунда янги тизим шаффофлик асосида талабгорлар орасидан ғолибларни аниқлаб бермоқда.

Туманларда бўлиб ўтган учрашувларда Олий суд раиси томонидан фуқароларга ижарага олинган ерлардан самарали фойдаланиш бўйича ҳуқуқий тушунтиришлар берилди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-04-06 20:19:15